ডাইনামিক প্রোগ্রামিং এ হাতেখড়ি-৩ (কয়েন চেঞ্জ + রক ক্লাইম্বিং)

আগের পর্বগুলো পড়ে থাকলে তুমি এখন ডাইনামিক প্রোগ্রামিং নিয়ে বেসিক ব্যাপারগুলো কিছুটা শিখে গিয়েছো,যত প্রবলেম সলভ করবে তত দক্ষতা বাড়বে। ডিপিতে আসলে কোনো নির্দিষ্ট অ্যালগোরিদম না থাকায় আমাদের চিন্তা করতে হয় অনেক বেশি,একেকটি ডিপি প্রবলেম একেক ধরণের, তবে তুমি যদি ন্যাপস্যাক,কয়েন চেঞ্জের মতো ক্লাসিক কিছু ডিপি প্রবলেমের সলিউশন জানো তাহলে তুমি বুঝতে পারবে কিভাবে তোমার চিন্তাকে এগিয়ে নিয়ে যেতে হবে,কিভাবে ডিপির স্টেট নির্ধারণ করতে হবে,তখন তুমি নতুন ধরণের ডিপি প্রবলেমও সলভ করে ফেলতে পারবে। আমি এরই মধ্যে nCr নির্ণয় আর ০-১ ন্যাপস্যাকের ডিপি সলিউশন নিয়ে আলোচনা করেছি,আরো কিছু ক্লাসিক বা স্ট্যান্ডার্ড প্রবলেম নিয়ে সামনে আলোচনা করবো।

আগের পর্বে uva-10130 supersale প্রবলেমটি সলভ করতে বলেছিলাম। প্রবলেমটি সহজ ০-১ ন্যাপস্যাক প্রবলেম,আশা করি সবাই করতে পেরেছো। আমার সলিউশনটি এরকম:

C++

```
#define mem(x,y) memset(x,y,sizeof(x));
int dp[1002][102];
int Weight[1002],Cost[1002];
int cap,n;
int call(int i,int w)
{
    if(i==n+1) return 0;
    if(dp[i][w]!=-1) return dp[i][w];
    int profit1;
    if(w+Weight[i]<=cap)profit1=Cost[i]+call(i+1,w+Weight[i]);
    else profit1=0;
    int profit2=call(i+1,w);
    int ret=max(profit1,profit2);
    return dp[i][w]=ret;
}
int main()
{
    int t;
    cin>>t;
    while(t--)
    {
        cin>>n;
        for(int i=1;i<=n;i++)cin>>Cost[i]>>Weight[i];

        int q,ans=0;
        cin>>q;
        while(q--)  {
            mem(dp,-1);
            cin>>cap;
            int ret=call(1,0);
            ans+=ret;
        }
        cout<<ans<<endl;
    }
    return 0;
}
```

আগের পোস্টে যেভাবে বলেছি ঠিক সেভাবেই কোড করা হয়ছে,বুঝতে সমস্যা হবার কথা না। প্রবলেমে বলা হয়েছে “Print out the maximal value of goods which we can buy with that family.”, তাই q জন ফ্যামিলি মেম্বারের জন্য ন্যাপস্যাক চালিয়ে ম্যাক্সিমাম বের করে ভ্যালুগুলো ans এর সাথে যোগ করে দিয়েছি। যদি একটি আইটেম একবারের বেশি নেয়া যেতো তাহলে কোডে কোন অংশটা পরিবর্তন হতো চিন্তা করে বলতে পারবে? এক্ষেত্রে ১২ নম্বর লাইনে i+1 এর জায়গায় i বানিয়ে দিলেই হবে, তাহলে কোনো একটি আইটেম নেবার পর আবারো সেই আইটেম নিতে চেষ্টা করবে। কোনো লাইন বুঝতে সমস্যা হলে কমেন্ট করে জানাও বা আমাকে একটা মেইল করো। **[এই প্রবলেমে অনেকই TLE**

পেয়ে আমাকে মেইল করেছে যেটার কারণ ছিলো dp অ্যারের আকার প্রয়োজনের থেকে অনেক বেশি নেয়া। অ্যারে যত বড় হবে মেমসেট করতে ততবেশি সময় লাগবে, TLE দেয়ার সম্ভাবনা বাড়বে]

এখন আমরা দেখবো কয়েন চেঞ্জ প্রবলেম। আসলে ন্যাপসাক শেখার পরে কয়েন চেঞ্জ তুমি এমনিই পারবে তারপরেও লিখছি যাতে ব্যাপারগুলো আর পরিস্কার হয়।

তোমার কাছে কিছু কয়েন আছে যাদের মূল্য 5,8,11,15,18 ডলার। প্রতিটা কয়েন অসীম সংখ্যকবার আছে,তুমি যেকোনো কয়েন যতবার ইচ্ছা নিতে পারো। তাহলে তোমার coin অ্যারেটা হতে পারে এরকম:


```
int coin[]={5,8,11,15,18};
```

এখন তোমাকে এই কয়েনগুলো নিয়ে নির্দিষ্ট কোনো ভ্যালু বানাতে হবে। ধরি সংখ্যাটি হলো “make”। make=18 হলে আমরা ৫+৫+৮ এভাবে ১৮ বানাতে পারি। তোমাকে বলতে হবে কয়েনগুলো দিয়ে ভ্যালুটি বানানো যায় নাকি যায়না। greedy অ্যালগোরিদম এখানে কাজ করবেনা (কেনো করবেনা?)।
প্রথমেই আমরা চিন্তা করি ডিপিতে স্টেট কি হবে। আমরা একটি একটি কয়েন নিয়ে সংখ্যাটি বানাতে চেষ্টা করতে থাকবো। তাহলে এই মুহূর্তে কোন কয়েন নিচ্ছি সেটা স্টেট রাখতে হবে,আর আগে যেসব কয়েন নিয়েছি সেগুলোর মোট ভ্যালু কত সেটা রাখতে হবে। ফাংশনটির নাম call হলে প্রোটোটাইপ হবে:

```
int call(int i,int amount)
```

এরপর অনেকটা আগের মতোই কাজ। প্রথমে i নম্বর কয়েন নিতে চেষ্টা করবো:

```
if(amount+coin[i]<=make) ret1=call(i,amount+coin[i]);
else ret1=0;
```

এখানে i+1 কল না করে আবার i কল করছি কারন এক কয়েন অনেকবার নেয়া সম্ভব। যদি এক কয়েন একাধিক বার নেয়া না যেতো তাহলে i+1 বে কল দিতাম। amount+coin[i] যদি make এর থেকে বড় হয় তাহলে কয়েনটি নেয়া সম্ভবনা। কয়েন যদি না নেই তাহলে আমরা পরবর্তী কয়েনে চলে যাবো:

```
ret2=call(i+1,amount);
```

ret1 আর ret2 এর কোনো একটি true হলেও make বানানো যাবে। তাহলে সবশেষে লিখবো:

```
return ret1|ret2;
```

আর বেসকেস হবে হলো, যদি সব কয়েন নিয়ে চেষ্টা করার পর make বানানো যায় তাহলে return 1,অন্যথায় return 0। সম্পূর্ণ কোড:

C++

```
1   int coin[]={5,8,11,15,18}; //value of coins available
2   int make; //our target value
3   int dp[6][100];
4   int call(int i,int amount)
5   {
6       if(i>=5) {   //All coins have been taken
7           if(amount==make)return 1;
8           else return 0;
9       }
10      if(dp[i][amount]!=-1) return dp[i][amount]; //no need to calculate same state twice
11      int ret1=0,ret2=0;
12      if(amount+coin[i]<=make) ret1=call(i,amount+coin[i]); //try to take coin i
13      ret2=call(i+1,amount); //dont take coin i
14      return dp[i][amount]=ret1|ret2; //storing and returning.
15
16  }
17  int main()
18  {
19  //    freopen("in","r",stdin);
20      while(cin>>make)
21      {
22          memset(dp,-1,sizeof(dp));
23          cout<<call(0,0)<<endl;
24      }
25      return 0;
26  }
```

এখন যদি তোমাকে বলা হতো যে কোনো একটি ভ্যালু কতবার বানাতে হবে বলতে হবে তাহলে কি করতে? যেমন ১৮ বানানো যায় ২ ভাবে, এক্ষেত্রে ret1|ret2 রিটার্ন না করে ret1+ret2 রিটার্ন করে দাও,তাহলে যত ভাবে বানানো যায় সবগুলো যোগ হয়ে যাচ্ছে। uva-674 প্রবলেমটিতে এটাই করতে বলা হয়েছে,ঝটপট সলভ করে ফেলো।

উপরের মতো করে কোড করে tle খাওয়ার পর এখন একটি অপটিমাইজেশন দেখো। আমরা প্রতিবার make ইনপুট নেয়ার পর ডিপি অ্যারে নতুন করে initialize বা ক্লিয়ার করেছি। যদি সেটা করতে না হতো তাহলে অনেক কম সময় লাগতো, কারণ একই মান বারবার হিসাব করা লাগবেনা। কিন্তু ক্লিয়ার করতে হচ্ছে কারণ ফাংশনটি বাইরের একটি গ্লোবাল ভ্যারিয়েবলের উপর নির্ভরশীল, “if(amount==make)return 1;” এই লাইনটাই ঝামেলা করছে, make এর মান প্রতি কেসের জন্য আলাদা, তাই প্রতিবার নতুন করে সব হিসাব করতে হচ্ছে। আমরা যদি make কে একটা স্টেট হিসাবে রাখি তাহলে কাজ হয় কিন্তু স্টেট বিশাল হয়ে যায়। এর থেকে আমরা সমস্যাটাকে উল্টায় ফেলি। মনে করো তোমার কাছে শুরুতে ২০ টাকা আছে, বিভিন্ন অ্যামাউন্টের কয়েন দান করে দিয়ে তোমাকে শুন্য টাকা বানাতে হবে। কোডটা এবার হবে এরকম:

C++

```
1   int coin[]={5,8,11,15,18}; //value of coins available
2   int make=18; //we will try to make 18
3   int dp[6][100];
4   int call(int i,int amount)
5   {
6       if(i>=5) {   //All coins have been taken
7           if(amount==0)return 1;
8           else return 0;
9       }
10      if(dp[i][amount]!=-1) return dp[i][amount]; //no need to calculate same state twice
11      int ret1=0,ret2=0;
12      if(amount-coin[i]>=0) ret1=call(i,amount-coin[i]); //try to take coin i
13      ret2=call(i+1,amount); //dont take coin i
14      return dp[i][amount]=ret1|ret2; //storing and returning.
15
16  }
17  int main()
18  {
19  //    freopen("in","r",stdin);
20      memset(dp,-1,sizeof(dp));
21      while(cin>>make)
22      {
23          cout<<call(0,make)<<endl;
24      }
25      return 0;
26  }
```

খেয়াল করে দেখো ঠিক আগের মতোই কাজ করেছি, শুধু যোগ করার জায়গায় বিয়োগ করে make থেকে শুন্য বানানোর চেষ্টা করেছি। লাভটা হলে এখন ফাংশনটি কোনো পরিবর্তনশীল গ্লোবাল ভ্যারিয়েবলের উপর নির্ভর করেনা, তাই মেইন ফাংশনে ডিপি অ্যারে লুপের মধ্যে ক্লিয়ার করা দরকার নাই। প্রতিবার কয়েন একই থাকছে বলে এই ট্রিকসটা কাজ করছে, কয়েনের মান পরিবর্তন হলে কাজ করবেনা। ডিপির প্রবলেমে অনেকসময় টেস্টকেস অনেক বেশি দেয় যাতে বার বার ক্লিয়ার করলে টাইম লিমিট পাস না করে।

কমপ্লেক্সিটি
ডিপি অ্যারের সাইজ হবে [কয়েন সংখ্যা][সর্বোচ্চ যত ভ্যালু বানাতে হবে]। তাহলে মেমরি কমপ্লেক্সিটি O(number of coin*make).
ডিপি অ্যারের প্রতিটা সেলই ভরাট করা লাগতে পারে, তাই টাইম কমপ্লেক্সিটিও এখানে O(number of coin*make)। যদি ভিতরে কোনো এক্সট্রা লুপ চলতো তাহলে সেটাও টাইম কমপ্লেক্সিটির সাথে যোগ হতো।

লাইটওজেতে 1231 – Coin Change (I) প্রবলেমে কিছু কয়েন দিয়ে একটি ভ্যালু কয়ভাবে বানানো যায় সেটা বের করতে বলেছে,তবে প্রতিটি কয়েন সর্বোচ্চ কয়বার ব্যবহার করা যাবে সেটা বলা আছে,i নম্বর কয়েন Ci বার ব্যবহার করা যাবে। এই কন্ডিশনটা দুইভাবে তুমি হ্যান্ডেল করতে পারো। ৩য় একটি স্টেট রাখতে পারো taken_i যেটা বলে দিবে i নম্বর তুমি কয়বার নিয়েছো,Ci বার ব্যবহার হয়ে গেলে পরবর্তী কয়েনে চলে যাও।

> *int call(int i,int taken_i,int amount)*

২য় উপায় হলো ফাংশনের ভিতরে Ci পর্যন্ত একটি লুপ চালিয়ে কয়েনটি যতবার নেয়া সম্ভব ততবার নিয়ে অ্যামাউন্টটি বানাতে চেষ্টা করো,এক্ষেত্রে মেমরি কম লাগবে। তাহলে আজকের ২য় কাজ হলো এই প্রবলেমটা সলভ করা,না পারলে পরবর্তী পর্বে কোড পাবে তবে চেষ্টা না করে অবশ্যই কোড দেখবেনা। যদি modulo নিয়ে সমস্যা হয় তাহলে মডুলার অ্যারিথমেটিক নিয়ে আমার লেখাটা দেখতে পারো।

কয়েন চেঞ্জ প্রবলেমের আরেকটি নাম হলো subset sum problem,কারণ কিছু নম্বরের সেট থেকে একটি সাবসেট আমাদের নিতে হয় যেটার যোগফল এক নির্দিষ্ট ভ্যালুর সমান।

আরেকধরণের প্রবলেম নিয়ে অল্প আলোচনা করে পর্বটি শেষ করবো। তোমাকে একটি ২ডি গ্রিড দেয়া হলো:

> *-1 2 5*
> *4 -2 3*
> *1 2 10*

তুমি শুরুতে আছো (০,০) সেলে। তুমি শুধু ৩দিকে যেতে পারো:

> *(i+1,j)*
> *(i+1,j-1)*
> *(i+1,j+1)*

প্রতিটি সেলে গেলে তোমার পয়েন্টের সাথে ওই সেলের সংখ্যাটি যোগ হয়। তুমি সর্বোচ্চ কত পয়েন্ট বানাতে পারবে? এই প্রবলেমকে রক ক্লাইম্বিং প্রবলেমও বলা হয়।
উপরের গ্রিডে সর্বোচ্চ পয়েন্ট ৭(-১+-২+১০)। ডিপিটা একদম সহজ কিন্তু খুবই গুরুত্বপূর্ন,অনেক প্রবলেম সলভ করা যায় এভাবে। এই প্রবলেমের জন্য:

> ***স্টেট:*** *তুমি এখন কোন সেল এ আছো*
> ***এক থেকে অন্য স্টেটে যাওয়ার উপায়:*** *প্রতিটা সেল থেকে ৩দিকে যাবার চেষ্টা করো, যেদিকে সর্বোচ্চ পয়েন্ট পাবে সেটা রিটার্ণ করো।*
> ***বেসকেস:*** *যদি গ্রিডের বাইরে চলে যাও তাহলে আর কিছু নেয়া যাবেনা, শুণ্য রিটার্ণ করো।*

C++

```
#define inf 1<<28
int mat[][10]={
    {-1, 2, 5},
    {4, -2, 3},
    {1 , 2 ,10,}
};
int dp[10][10];
int r=3,c=3;
int call(int i,int j)
{
    if(i>=0 && i<r and j>=0 and j<c) //if still inside the array
    {
        if(dp[i][j]!=-1) return dp[i][j];
        int ret=-inf;
            //try to move to 3 direction,also add current cell's point
        ret=max(ret,call(i+1,j)+mat[i][j]);
        ret=max(ret,call(i+1,j-1)+mat[i][j]);
        ret=max(ret,call(i+1,j+1)+mat[i][j]);
        return dp[i][j]=ret;
    }
    else return 0; //if outside the array
}
int main()
{
//    READ("in");
    mem(dp,-1);
    printf("%d\n",call(0,0));
    return 0;
}
```

৩দিকে মুভ করার কন্ডিশন কেনো দেয়া হয়েছে? adjacent ৪টি সেলে মুভ করতে দিলে সমস্যা কোথায় হতো? তাহলে একটি সাইকেল তৈরি হতো,একটি ফাংশনের কাজ শেষ হবার আগেই রিকার্শনে ঘুরে ফাংশনটি আবার কল হতো,এই সলিউশন কাজ করতো না। এখানে আমরা যে ৩দিকে মুভ করছি তাতে কোনো সাইকেল তৈরি হচ্ছেনা, অর্থা কোনো স্টেট থেকে শুরু করে সেই স্টেটে আবার ফিরে আসতে পারছিনা। সাইকেল যদি তৈরি হতো তাহলে রিকার্সিভ ফাংশন আজীবন চলতেই থাকতো। **তাই ডিপি সলিউশন লেখার সময় অবশ্যই খেয়াল রাখতে হবে সাইকেল তৈরি হচ্ছে নাকি।**

1004 – Monkey Banana Problem এই প্রবলেমটা অনেকটা উপরের প্রবলেমের মতো,সলভ করতে কোনো সমস্যা হবেনা। তুমি যদি

বিএফএস/ডিএফএস পারো তাহলে uva-11331 প্রবলেমটি সলভ করে ফেলো,(হিন্ট:বাইকালারিং+ন্যাপস্যাক)। এছাড়া এগুলো ট্রাই করো:

Uva 11137: Ingenuous Cubrency(Coin change)
Codeforces 118D: Caesar’s Legions(4 state)
Light oj 1047: Neighbor House
Timus 1017: Staircases

চেষ্টা করো সবগুলো প্রবলেম সলভ করতে,আটকে গেলে সমস্যা নাই,চিন্তা করতে থাকো,এছাড়া ন্যাপস্যাক আর কয়েন চেঞ্জ সম্পর্কিত যতগুলো পারো প্রবলেম সলভ করে ফেলো,যেহেতু তুমি এখন বেসিক পরবর্তী পর্বগুলোতে ডিটেইলস কমিয়ে নতুন নতুন প্রবলেম আর টেকনিক নিয়ে বেশি আলোচনা করবো।
হ্যাপি কোডিং!

(লেখাটি যদি কঠিন মনে হয়,বা কোনো অংশে সমস্যা হয় বা তোমার কোনো মতামত থাকে অবশ্যই আমাকে জানাবে, ফিডব্যাক পেলে লিখতে সহজ হয়)
সবগুলো পর্ব